



U skladu sa članom 53. Poslovnika o radu Regulatorne komisije za električnu energiju u Federaciji Bosne i Hercegovine («Službene novine FBiH» br. 59/04), članom 45. Pravilnika o javnim raspravama i rješavanju zahtjeva i žalbi Regulatorne komisije za električnu energiju u Federaciji Bosne i Hercegovine („Službene novine FBiH“ 37/05) i članom 54. stav 3. Pravilnika za tarifnu metodologiju i tarifne postupke Regulatorne komisije za električnu energiju u Federaciji Bosne i Hercegovine („Službene novine FBiH“ 45/05), Regulatorna komisija za električnu energiju u Federaciji Bosne i Hercegovine - FERK

## OBAVJEŠTAVA JAVNOST

### O podnesenim zahtjevima za odobrenje tarifa od strane J.P. «Elektroprivreda Hrvatske zajednice Herceg Bosne» d.d. Mostar i održavanju formalnih rasprava

Dana 30.09.2005. godine FERK je zaprimio od J.P. «Elektroprivreda Hrvatske zajednice Herceg Bosne» d.d. Mostar:

- zahtjev za odobrenje tarifa za djelatnost proizvodnje električne energije pod brojem 07-02-646/15/05,
- zahtjev za odobrenje tarifa za djelatnost distribucije električne energije pod brojem 07-02-646/16/05,
- zahtjev za odobrenje tarifa za djelatnost snabdijevanja električnom energijom pod brojem 07-02-646/17/05,

uz koje je podnosilac priložio dokumente u skladu sa članovima 52. i 53. Pravilnika za tarifnu metodologiju i tarifne postupke FERK-a.

#### Podnosilac zahtjeva

J.P. «Elektroprivreda Hrvatske zajednice Herceg Bosne» d.d. Mostar je javno preduzeće, koje je registrovano za obavljanje djelatnosti proizvodnje i distribucije električne energije, snabdijevanja električnom energijom, te djelatnosti trgovine, zastupanja i posredovanja električnom energijom. U skladu sa članom 72. stav 1. Pravilnika za tarifnu metodologiju i tarifne postupke FERK-a, ovo javno preduzeće bilo je obavezno dostaviti FERK-u zahtjeve za odobrenje tarifa u prvom tarifnom postupku, do 01. oktobra 2005. godine.

#### Prijem i obrada zahtjeva za odobrenje tarifa

Postupajući po članu 52. Pravilnika za tarifnu metodologiju i tarifne postupke FERK-a, FERK je pregledao zahtjeve i utvrdio da su podneseni na propisanim obrascima. FERK je preko Obavještenja o nedostacima podnesenih zahtjeva za odobrenje tarifa u djelatnostima proizvodnje, distribucije i snabdijevanja električnom energijom br. 07-02-646-03/15/05, 07-02-646-03/16/05, 07-02-646-03/17/05 od 28.10.2005. godine, tražio od podnosioca zahtjeva da izvrši dopunu zahtjeva.



Iako nedostaju određeni dokumenti i podaci propisani u Prilogu br. 2 Pravilnika za tarifnu metodologiju i tarifne postupke FERK-a, koje je FERK više puta zahtjevao, u cilju izvršenja svojih planskih aktivnosti za završetak prvog tarifnog postupka do kraja 2005. godine, a u skladu s članom 9. i 71. Pravilnika za tarifnu metodologiju i tarifne postupke FERK-a, FERK je odlučio da podnesene zahtjeve za odobrenje tarifa smatra kompletnim, te da nastavi postupak po podnesenim zahtjevima za odobrenje tarifa, čime je započeo prvi tarifni postupak. Prvi tarifni postupak, FERK će provesti na osnovu podataka koje je dostavio podnosilac zahtjeva, a za traženu a nedostajuću dokumentaciju, podatke i informacije, FERK-u skladu s Pravilnikom za tarifnu metodologiju i tarifne postupke FERK-a zadržava pravo procjene istih.

### Osnovni elementi podnesenih zahtjeva

Podaci koji se navode u tabeli u nastavku preuzeti su iz podnesenih zahtjeva i dopuna zahtjeva podnosioca zahtjeva, bez ikakvih podešavanja, komentara ili kvalifikacija od strane FERK-a.

Predloženi tarifni stavovi za 2006.godinu:

#### TARIFNI STAVOVI ZA PRODAJU ELEKTRIČNE ENERGIJE ZA KUPCE NA PODRUČJU DJELOVANJA JP „EP HZ HB”

OBRAČUNSKI ELEMENTI	JEDINICA MJERE	TARIFNI STAVOVI		VISOKI NAPON	VISOKI NAPON	VISOKI NAPON	NISKI NAPON					JAVNA RASVJETA
		SEZONSKI	DNEVNI	110 kV	35 kV	10 kV	DOMAĆINSTVA		OSTALA POTROŠNJA			
				i viši			I TAR. GRUPA	II TAR. GRUPA	I TAR. GRUPA	II TAR. GRUPA	III TAR. GRUPA	
1		2	3	4	5	6	7	8	9	10	11	12
OSNOVNI MJ. TROŠKOVI	KM	VIŠI		20,00	20,00	20,00	3,80	3,80	20,00	20,00	20,00	3,80
		NIŽI		20,00	20,00	20,00	3,80	3,80	20,00	20,00	20,00	3,80
OBR. SNAGA kW	KM	VIŠI		19,62	24,04	28,85	5,73	5,73	23,43	23,43	23,43	
		NIŽI		15,09	18,49	22,19	4,41	4,41	18,02	18,02	18,02	
AKTIVNA ENERGIJA kWh	FENINZI	VIŠI	VEĆI	7,23	9,92	12,29	15,28	19,10	20,62	33,17	26,53	22,89
			MANJI	3,62	4,96	6,15		9,55	10,31	16,58		
		NIŽI	VEĆI	5,56	7,63	9,45	11,95	14,69	15,86	25,51	20,41	17,62
			MANJI	2,78	3,82	4,73		7,35	7,93	12,76		
REAKTIVNA ENERGIJA kVarh	FENINZI		VEĆI	2,08	2,18	2,18			2,28			
			MANJI	1,05	1,10	1,10			1,14			

Objašnjenja:

- Viši sezonski tarifni stavovi primjenjuju se u januaru, februaru, novembru i decembru, a niži od 1. marta do 31. oktobra.
- Po većim dnevnim tarifnim stavovima obračunava se preuzeta električna energija od 07 do 13 i od 16 do 22 sata, (a kod ljetnog računanja vremena od 08 do 14 i od 17 do 23 sata).



U ostalim satima, preuzimanje električne energije se obračunava po manjim dnevnim tarifnim stavovima, ukoliko se ova energija mjeri.

Zahtjev za odobrenje tarifa J.P. «Elektroprivreda Hrvatske zajednice Herceg Bosne» d.d. Mostar može se pogledati na web stranici FERK-a ([www.ferk.ba](http://www.ferk.ba)).

### Formalne rasprave

U skladu sa članom 44. stav 1. tačka „a“ Pravilnika o javnim raspravama i rješavanju zahtjeva i žalbi Regulatorne komisije za električnu energiju u Federaciji Bosne i Hercegovine („Službene novine FBiH“ br.37/05), podnošenjem zahtjeva za odobrenje tarifa od strane J.P. «Elektroprivreda Hrvatske zajednice Herceg Bosne» d.d. Mostar započeli su postupci formalnih rasprava. Postupci formalnih rasprava provešće se u skladu sa odredbama Pravilnika o javnim raspravama i rješavanju zahtjeva i žalbi FERK-a („Službene novine FBiH“ br. 37/05). Dana 08.11.2005. godine FERK je donio Zaključak br. 05-07-745-04/05, kojim je odredio da se spajaju predmeti po podnesenom zahtjevu za odobrenje tarifa za djelatnost distribucije električne energije br. 07-02-646/16/05 od 30.09.2005. godine i po podnesenom zahtjevu za odobrenje tarifa za djelatnost snabdijevanja električnom energijom br. 07-02-646/17/05 od 30.09.2005. godine Javnom preduzeću «Elektroprivreda Hrvatske zajednice Herceg Bosne» d.d. Mostar, te da će se o spojenim predmetima voditi dalje jedinstveni postupak. Formalne rasprave u prvom tarifnom postupku pokrenutom naprijed nabrojanim zahtjevima za odobrenje tarifa održat će u prostorijama FERK-a, na adresi Blajburških žrtava br. 33, Mostar, prema slijedećem rasporedu:

Predmet formalne rasprave	Datum i vrijeme formalne rasprave
Proizvodnja električne energije	28.11.2005.godine u 09:00 sati
Distribucija i snabdijevanje električnom energijom	29.11.2005. godine u 09:00 sati

### Kriteriji za sticanje statusa umješaća

Zahtjev za sticanje statusa umješaća u formalnoj raspravi može uputiti lice koje ima direktan interes u postupku, koji je različit od općeg javnog interesa i koja raspolaže podacima i činjenicama od značaja za formalnu raspravu u prvom tarifnom postupku koji se vodi pred FERK-om. Zahtjev za sticanje statusa umješaća treba da sadrži osnovne podatke o osobi koja traži status umješaća, kao i činjenice i dokaze kako to lice ima direktan interes za učestvovanje u postupku. Zahtjev za sticanje statusa umješaća podnosi se do 14.11.2005. godine do 12 sati na adresu FERK-a. FERK odlučuje da li je u zahtjevu za sticanje statusa umješaća dokazan direktni



---

interes i jesu li navedeni podaci i činjenice od značaja za formalnu raspravu u prvom tarifnom postupku u svakom pojedinačnom slučaju.

### **Javnost postupka**

Formalne rasprave su otvorene za javnost, s tim da javnost može biti prisutna formalnim raspravama, ali u istim mogu učestvovati samo podnosilac zahtjeva i umještači.

Druga zainteresovana lica mogu podnijeti pisane komentare na podnesene zahtjeve do 14.11.2005.godine do 12 sati na adresu FERK-a.

Informacije o podnesenim zahtjevima zainteresovana lica mogu dobiti u sjedištu FERK-a, na protokolu, Blajburških žrtava br. 33 u Mostaru. Svoje pisane komentare zainteresovana lica mogu dostaviti FERK-u na gornju adresu ili faksom na brojeve: 036/333-507, 036/333-508, odnosno elektronskom poštom na adresu: [kontakt@ferk.ba](mailto:kontakt@ferk.ba).